

畿

輔

安

瀾

志

畿輔安瀾志

沙河一卷

原委

故道

附載

隄防

橋渡

祠廟

水利

滋河一卷

原委

附載

故道

隄防

橋渡

祠廟

畿輔安瀾志

沙河一卷

原委

沙河古派水也源出山西太原府繁峙縣白坡頭東南流由阜平縣西北一百六十里之大寨口入直隸境

說文派水出鴈門葭人縣戍夫山東北入海 隋

書地理志鴈門郡繁峙縣有派水 方輿紀要後

人城在山西代州繁峙縣北沙河在定州南源發
山西繁峙縣東白坡頭口派水在定州南派音孤
畿輔通志沙河流逕大派山又名派河 畿輔
地圖記沙水卽派水

謹案沙派一河二名猶唐河卽滹水也明中地理
志或稱派或稱沙據通志則是派河因山而得名
而紀要則以大派山小派山爲因派河所逕而名

且紀要以沙河派河分列則二水判然又沙河則源繁峙白坡頭口而於定州派水則云源阜平西山今涸於阜平縣派水則云源發恒山舊東南流入行唐縣界今南流注於漳沱兩說參差將何所據行唐縣志遂謂派河卽恒水引晁氏今之恒水西南流至真定府行唐縣東流入於滋水爲証考入滌之恒水另是一水卽或不入滌而入派亦非恒卽派河也且今之派河流經定州並不涸紀要

又謂恒水在曲陽縣西狄水在東亦發源恒山南
流入滹今纂豈旣誤恒水爲滹水復疑狄水爲恒
水耶 又案滹沱雖同出於山西繁峙定是異
源分流或以滹水與滹沱泉流通注乃云常溪水
卽派水也考寰宇記引郡國志云鴈門有常溪水
方輿紀要云今鴈門山下有水東南流逕代縣城
外東關廂名東關水又南入於滹沱或謂之常溪
水卽長溪也則是滹水於代縣卽合滹沱又經何

處分流入直隸境耶或以派水與滹沱同源則以
派水亦出秦嶺也山海經秦戲之山滹沱之水出
焉郭璞註以爲武夫山寰宇記秦戲山一名武夫
山亦名平山亦曰戊夫山今曰派山則是派水因
此派山而得名而平山之大派山小派山又因派
水所經而得名紀要說是也葦滹沱派水若同源
分流一爲滹沱一爲派則派似當作分派之派爲
滹沱之別派也而派山卽通典所謂孤平山也又

當從孤音爲是又水經注濕餘水篇清河者派河
尾也酈注以清淇漳洹滏易洙濡沽滹沱當之不
另詳派河似滹沱亦可謂派河秦戲之卽爲派山
無疑矣蓋二水同出一山而派水獨存山之名耳
今山西通志於繁峙縣詳記滹沱而派則僅存其
名則似派水之源已不可考闕疑似也又云大孤
山在縣西北五十里其地又有武夫山卽秦戲山
羅案秦戲秦戲之說其東又有小孤山則似又因紀要所云

阜平之大派小派而訛也又初學記定州下引水經注云派水北流經大核水未知何據豈水經注逸文耶大核山卽大派山之訛也

東流三十里逕茨溝營又南流四十里逕吳王口又東南流二十里逕龍王莊又東南流二十里逕大派小派二山又南流二十里逕神嶺村北流河自西來入之

〔明史地理志〕阜平派河在北 〔方輿紀要〕吳王口

阜平縣西北百里茨溝營縣西北一百二十里大
派山縣東北五里稍東爲小孤山以派河所經而
名

謹案北流河源出阜平縣西八十里龍泉關外之

印鈔石

方輿紀要龍泉關在縣西七十
里其北有印鈔石湖八溝等口

涓流脉注

沿山而下東流八里逕龍泉關又東三十里逕萬
年橋折而北流二十里逕神嶺村入沙河

繞縣城西又東南流十里逕大柳村又東南流二十

里遶城西而南流東轉逕縣城東流北轉逕縣城南
又東流四十里逕方太口鵠子河自縣北來入之

謹案鵠子河在阜平縣東北十五里源出山西靈
邱縣自縣北鐵嶺口東入境南流二十里逕龍窩
村又東南流五十里逕方太口村入沙河

又東流十六里逕王柳口班峪河自縣東北來入之

謹案班峪河方輿紀要作班牛河源出阜平縣東

北七十里大茂山麓

隋圖經大茂山恆山之異名也方輿紀要卽恆山之嶺

一名神尖石晉炭火舖南流六十里逕王柳口村
與契丹分界處

入沙河

又東流二十里逕王快村則有溫泉水當城河匯於
臘脂河自西南來入之

方輿紀要派河縣治南有當城河合焉又縣西五
十里有臘脂河

謹案溫泉在阜平縣境有一二在縣西北八十里
之吳王口東南流二十里之溫湯村東北流三十

里入臙脂河當城河源出山西五臺縣自縣南馬
蘭村入境北流二十里逕胡家堂入臙脂河源出
縣西青竿嶺

一統志河水有紅色故名

東流十里逕胡家堂又

東北流八十里滙當城河至王快鎮入沙河

又北流東轉折而南凡十里入曲陽縣西北則圓覺
泉入之平陽河入之南則陳家莊泉入之

明史地理志曲陽沙河在南自山西繁峙縣流入
方輿紀要縣東五十里有平陽河與縣境珣牛

鶴子諸河悉流入於派河 〔曲陽縣志〕圓覺泉治

西北三十里山下有水湧出流於沙河陳家莊泉
治南十五里平地騰湧民資灌溉流入沙河

〔謹案〕平陽河源出縣東大茂山東南流七十里逕
王快鎮入山陽西北口之賈家口村入沙河

又東南流則靈河自縣西曲逆溪自縣南來入之

〔謹案〕靈河在曲陽西四里自土壩東流至三角潭
與曲逆溪合流曲逆溪在縣南方輿紀要云水流

多曲故名

又東南流入行唐縣東北境曲河自縣西北來入之
方輿紀要派河在縣西南舊自阜平縣流入境
行唐縣志派水由阜平過王快至行唐之東

謹案曲河在行唐北二十里源出縣西北武莊社
之北山東流逕縣東北之賈莊村又名賈莊河下
流入於沙河

方輿紀要謂賈莊河源出恒山下流入於沙河志云自恒山南麓水流入

潯沱誤也然紀要以爲源出恒山亦誤

又東南流逕岸下村入新樂縣西北境又東南流二
十里逕新樂縣城南郃河自行唐縣西北合沙溝龍
門溝買木溝龍泉池蓮花池諸水又會甘泉河又會
倒馬關水入之

金史地理志新樂有派水

馬端臨文獻通考新

樂春秋鮮虞國隋縣有派水

明史地理志新樂

西南有沙河

方輿紀要沙河在縣南自曲陽入

新樂

謹案郃河在行唐縣南一里源出縣西北兩嶺口

山谷間俗名潁水東南流二十里甘泉河東流入

之

在行唐縣西北三十五里發源山澗東流迺上碑鎮村又東流二十里入焉

又東南

流二十里迺箕山東許由村之南又東南流十里

迺上碑堡沙溝

在行唐縣西北五十里

自堡西東流入焉又

東南五里龍門溝

在行唐縣西四十里之龍門村源出村西山麓

自縣境

東流入焉又東南流二十里迺縣城南又東流五

里賈水溝

在行唐縣西北二十里之賈木村

自縣城西北東南流

入焉又東南流十五里蓮花池

在行唐縣東北二十里之河合村東

池可三畝中有泉百餘東南流逕塞里嶽同諸村逕襄豐村東流

會龍泉池

在行唐縣

東二自縣境東南流入焉又東南流入新樂縣西

境入沙河又倒馬關水方輿紀要云在行唐縣東

北二十五里上源卽滹水自倒馬關分流盤回山

谷中逕靈壽界引而東出合邵河諸水下流入沙

河

又東流二十里逕小蔡村入定州南境又東流八十

里入祁州南境之三岔口匯唐滋二河合流爲豬龍河

明史地理志定州沙河在南下流合於滹水 舊
志沙河自定州寨里村入祁州周各莊東南流三
十五里逕軍說村西合於滋河卽由軍說村之三
岔口合於唐河又龍王店在祁州西有泉東南流
入於沙河

故道

靈壽縣故道自行唐縣東入平山縣

漢曰蒲吾

太平寰宇記靈壽縣派水經白羊山山之下有白

石如羊頭角粲然逼真從行唐縣東過溫泉入房

山界也

謹案房山縣爲今之平山縣漢蒲吾縣也非順天府屬之房山

東流至定州逕無極縣入祁州境

方輿紀要水道隄在無極縣西北沙河自定州流

逕縣界入祁州恃此隄禦之

謹案今沙河不逕無極縣隄亦久廢

又南流至安平逕博野至饒陽入河間境

元和郡縣志派水今名礪石河西自義豐縣流入

謹案義豐縣漢安國縣今祁州

文獻通考安平縣有沙水 天

平寰宇記蒲陰縣派水在縣西二十五里

謹案宋蒲陰縣

今祁州

謹案今沙河至祁州已合滹水不復獨行矣饒陽

故道卽魏晉所鑿滹沱派水通流之平虜渠也河

間縣故道在河間府城東卽青陵橋上游也今俗名古唐河不復知有河水矣明史河渠志嘉靖十年工部郎中陸時雍言河間沙河下流俱淤宜以時濬青陵橋記河間縣城之東舊有青陵橋沙河之水自東南而注是也

附載

天井澤在定州境沙河所渚也今湮

謹案魏書地形志安喜有天井澤元和志安喜縣
天井澤在縣東南四十七里周六十二里寰宇記
引水經注云派水厯天井澤南水流所播爲澤俗
名天井淀考今本水經注無此文漣水篇云又東
過安喜縣南注云縣故安險也其地臨嶮有井塗
之難豈卽寰宇記之所謂天井而所引爲水經注

之逸文耶今此水已不可考矣

神渚水在深澤縣

互見滹沱
滋水篇

方輿紀要深澤縣西二十五里有神渚水滹沱河
滋河之水衝嚙所成方廣四百步其深無際又東
入祁州界合於沙河 二統志天將雨則波濤泛
溢流沫成輪有神物居其中故名

平虜渠在饒陽縣境滹沱與沙河通流處也今湮

謹案元和志深州饒陽縣下云州理城晉魯口城

也公孫泉

唐諱淵故
泉字

叛司馬宣王征之繫滹沱入

派水以運糧因築長城蓋滹沱有魯沱之名因號

魯口而於滄州清池縣下云平魯渠在郭內魏武

北伐匈奴開之寰宇記饒陽縣下云饒陽縣卽後

魏虜渠口置虜口鎮

餘與元
和志同

於清池縣下云平虜

渠在縣南二百步魏建安中於此穿平虜渠以通

軍漕北伐匈奴三國志建安十一年遼西單于蹋

頓尤強爲袁紹所厚故尙兄弟歸之數入塞爲害

公將征之鑿渠自淖沱入派水名平虜渠杜佑通
典饒陽淖沱河舊在縣南卽光武所渡魏武因饒
河故瀆決令北注新渠溝所以在今縣北後漢書
光武紀章懷太子註亦云然則是渠魏武始開司
馬宣王復濬之首起饒陽東達滄州也今饒陽新
志以淖沱之鑿魏武司馬宣王竝稱爲疑又以平
虜之虜爲魯字之轉而以禹貢錐指爲非又云舊
志魯口城魏王珪屯軍處宋祥又以光武始過饒

陽當危急奔迫之際其後下曲陽擊中山圍鉅鹿
並未一履饒境不知魏王爲魏主之訛珪爲魏道
武之名下曲陽爲縣名非攻下之下光武至饒陽
更有明文皆失考

隄防

定州沙河隄在州東南二十里兩岸長四十里

祁州西南隄沙河北岸也長十里明嘉靖中築

木道隄

羅案節木
刀溝隄

方輿紀要在無極縣西北沙河自定州流逕縣界
入祁州恃此隄捍禦隄廢恒自李家口決入爲民
害

博野縣西南隄宋時築明成化中重修

新樂縣沙郛河隄長二千八百七十丈嘉慶七年修

橋渡

永濟橋在阜平縣正西下西關村石築今圯

西橋在阜平縣橋西菴石築今圯

西庵橋在阜平縣西卽古西橋也木橋冬建夏撤

張家莊橋龍王廟橋在阜平縣西北皆木橋冬建夏撤

萬年橋在阜平縣西北石築今圯

王快渡在阜平縣東王快鎮秋夏以舟冬春架木

府郃橋在行唐縣城南門外石築跨郃河上明時建
通濟橋卽鮮虞古渡在新樂縣城南關沙郃二水合
流處南北孔道也一名草橋夏秋水盛以舟濟冬春
架木輦土爲之

礪石橋在安平縣境卽礪石河橋也

北史魏孝靜帝
天平元年初置

四中郎時於礪石
橋置東中郎是也

祁州沙河橋有三一州西張寧村一州南宜家莊一

州南固城村

祠廟

小聖廟在行唐縣南郭外祀部河神康熙十年建

利民侯祠在曲陽縣少容山前有龍池卽華嚴集聖池也

水利

阜平縣營田自法華村迤東至王快鎮凡六十里農民沿沙河開渠引水營田自乾隆十年以來得稻田八十餘頃

謹案阜平僻處西山之中荒寒特甚往時村居寥落民俗貧苦雍正四年設立營田獨遺之自是以來用沙河水利開營稻田漸至饒庶民居日稠非復舊時矣

行唐縣營田在縣東北和合歡同養里賈莊諸村皆
取資蓮花池龍泉池二水仍洩水於二泉舊有稻田
二十九頃五十一畝雍正五年更營田十四頃四十
二畝倚橋爲閘依塍爲溝數里皆稻鄉今新營者改
爲旱田而舊稻田如故

新樂縣營田在縣境東南大流村牛家溝諸處皆取

資海泉湧泉之水

運案縣志河渠記中同湧泉舊名金水河大流村東石橋土人云有

海眼泉亦到此與金水匯二水仍洩水於二泉凡營田滋潤新樂特引之以溉田耳

稻田三頃五畝五分又農民自營稻田三十一畝
正九年改旱田一頃九十八畝

畿輔安瀾志

臣王履泰恭纂

滋河一卷

源委

滋河一名資河源出山西大同府靈邱縣西北枚回嶺

山海經高是之山滋水出焉而南流注於滹沱

謹案

滋水今不入滹沱

永經注汾水篇漢永平中治呼沱石

曰河益谷乘呼沱之水轉山東之漕

謹案御覽引此文爲資乘

卽資水也

元和郡縣志滋水出靈邱縣西枚回嶺懸

流五丈湍激之聲響動山谷 宋史太平興國八

年祁州資河溢 方輿紀要滋河源出山西蔚州

枚回嶺 山西通志枚回嶺在靈邱縣西南蔚州

古志高是山在西北七十里滋水出焉東三十八

里有枚回嶺山麓相接

東南流由靈壽縣西北白草口入直隸境

〔魏書地形志〕常山郡靈壽縣有滋水 〔二統志〕白

阜口在靈壽縣西北一百四十里

南流轉東十里逕 頭村 河自北來入之又東南

六十里逕滋峪鎮南

〔謹案〕滋河之源其說互異前漢書地理志謂出南

行唐平飮山白陸谷

許氏說文陸作涇

通典亦謂行唐漢

縣滋水所出是皆從其近而言而未嘗遠溯其源

也行唐縣志又謂滋河之源最多一出阜平白蛇

嶺曰 河東南流五十里至五河村一出山西五
臺縣南山東南流百餘里至漢頭村會白蛇嶺之
水至五河村一出靈邱縣北五岳寨東南流九十
里至五河村一出王母山北峪東南流八十里至
五河村一出王母山東峪東南流七十里至五河
村合而東在至滋峪之東南又有西山之小水入
焉故名滋河考此諸水皆入滋者不得謂之滋水
之源今五河村在靈壽治西北五十里諸水之入

者已湮不可識 河卽自汶頭村入滋亦與志異
蓋水道之變昔有今無者多矣又方輿紀要以廣
靈縣壺流川爲滋水又以滋水合南馬莊流水泉
注於葫蘆河名勝志以南馬莊流水泉爲滋水雲
中郡志亦以滋水卽南馬莊泉一名神泉水入壺
流河皆非也滋水泉亦名滋泉另是一水自入壺
流河壺流河卽漢志水經注之神夸水

辨見桑
乾河篇班

志云入治治卽濕水酈道元故以入濕證之況山

海經明云滋水南流注潯沱則不北入治可知矣
豈以壺流河爲滋水耶

又東南流四十里逕名布村入行唐縣西南境

元和郡縣志行唐縣滋水在縣南二十六里明
史地理志行唐西有滋河

又東南流二十里逕常杏村入正定縣西北境

元和郡縣志正定縣滋水北去縣三十里明史
地理志正定北有滋河

逕張茂村入地伏流東行四十里逕伏城驛復出又

東流逕東陵村入藁城縣

漢曰九門西北境

二統志伏城驛在正定府北四十里 元和郡縣

志九門縣滋水北去縣二十三里 明史地理志

藁城北有滋水

又東南流二十里逕南孟村入無極縣境

天平寰宇記資河從鎮州九門縣東北界來流入

無極界 明史地理志無極縣南有滋河

東流南轉三十里大名莊溝劉家莊溝入焉逕縣治西北五里屈而南流十里又折而東流二十里逕縣城南五里

謹案大名莊溝在無極縣西二十里東行十二里入滋河劉家莊溝在縣西南二十五里東流十三里入滋河

又東北流二十里逕小正村入深澤縣西北境木刀溝合林河溝閔泉龍泉曹河溝陳家莊溝浴河湧泉

海眼泉諸水自新樂縣西南來入之又東南流入邠州南境東侯村溝合張家莊溝東大村溝入焉會唐沙兩河於三岔口入豬龍河

明史地理志深澤西有滋河 新唐書地理志新樂東南二十里有木刀溝有民木刀居溝旁因名之 顧炎武日知錄予過新樂林君華琬見示所修縣志以木刀溝爲不興改爲木鐸因取唐志示之林君爽然自失

謹案木刀溝起新樂縣西四十里之閔鎮村

閔泉出閔

鎮村上流已斷自此而起

東南流十里林河自縣西南流入焉

林河謂在新樂縣西南二十五里首起行唐界東南流順治十五年知縣林華琬因行唐賈老營諸

村澀水下注創始開挖起行唐接界之青銅村東南流經馬家橋凡七里入焉

林華琬林河記畧

新市之水如五弦余於修五水記詳之矣五水之外有舊河道焉自行唐賈老營入北青銅之西境

南至南青銅過大柳樹近西賈莊以北遂東迤馬家橋與木鐸溝金泉匯歷年以來失其地南北青

銅西賈莊十村之人間有秋穫庚子春編戶分工均平舊鼓內營村濟河一百二十有二弓東田村

濟河二百二十有五弓西田村濟河四百四十有八弓北青銅濟河四百二十弓南青銅濟河三百

一十有七弓西賈莊潞河三百四十有九弓弓之數準以戶之數而伍之相其地勢軒昂厥壤堅栗者工居多弓居少地勢平易厥壤柔脆者工居少弓居多時迺惟均中而工告竣是城也十村之人始有秋穫謂其河曰林河獲林華院河渠記畧新樂之水有五曰派河郛河滋河中同湧泉木鐸派水河至曲陽而始廣繞見龍山而東注於新見龍山過車固岸城亦支鳳鳴韓村至縣治東南與郛水合郛由行唐縣前過高麗村東注於新經曹村木村至趙之東郛派二水滙南下漁砥東轉陳村入定州界滋河原非新邑界內之水新之趙門化壁兩村逼處東岸地又窪下中同湧泉出中同村厯何家莊壩凱村營裡村及七里舖南下達大流村之東石橋下北五里有海眼泉亦至此與金水河滙逕小流村西又折而爲二一從村西折而南下一從村北折而東下至赤堞村與木鐸滙合

所云三汊河口者也木鐸溝源出於閔鎮泉湧地
出高於水一尺許自喬王村協神趙門大寨達西

賈莊過安莊東陽齊同盧家蘭渠城西馬頭鋪有
石橋三門乃古新市縣治之南關城濠橋也自閔

鎮到三岔河
凡六十里 又東流五里曹河自林河東南流入

焉
曹河溝在新樂縣西南二十里康熙六年知縣
曹士英因縣境內營諸村窪下雨多即濬開挖

以洩滲水起行唐界東南流歷
營村名村安家莊凡六里入焉 又東南流十里入

無極縣北境又東北流五里入深澤縣西境陳家

莊溝入焉
在縣西陳家莊東南
流入乾隆五年開 又北流五里湧泉

溝自新樂縣南東南流入焉
湧泉即浴
河上源 又東流二

十里入藁城縣北境又東流二十里清水溝自定

州南流入焉

清水溝在定州東南

又東流四里入無極縣西

北境東流十八里入定州東南境又東北流入祁

州西南境入於滋河浴河一名金水河在新樂縣

南五里源出縣西十五里中同村之湧泉

卽所傳洗兒池

者也大可二畝又海眼泉亦在浴河之中

東南流十五里逕伏羲廟又

東南流與木刀溝會三岔河口東侯村溝起無極

縣東北十里之東侯村東南行十二里逕蔡莊

張家莊溝

在無極縣西北二十五里之張家莊東南行二十五里逕縣城西北隅合東大

村溝東行十五里逕蔡莊入焉東又東行八里逕大村溝在縣西北二十里東大村

賈村入深澤縣西北境又東南行逕黎園村趙八

莊石橋頭留屯賈家莊安家莊野店頭段家莊凡

四十一里入祁州西南境入滋河 又案元和志

云木刀溝在縣東南二十四里溝旁人姓木名刀

因爲名寰宇記云平山縣滅水亦謂石白水又謂

之鹿水出行唐縣東入博陵謂之木刀溝亦謂之

裴裴水南流入滹沱河又蒲陰縣新樂縣俱載有

長林溝亦呼爲木刀溝是則木刀溝之上源滅水

也

詳見
滹沱

文獻通考云新樂縣有木刀溝一統志

云木刀溝在新樂縣西南舊自平山行唐流入又

東逕無極縣北又東入保定府祁州界水流之道

正與寰宇記合又引舊志云新樂縣西三十五里

接行唐地界逕下行唐諸山溪之水滙於此南流

爲林河至縣西二十里爲長林橋會閔泉水又南

折東注縣南三汉口合浴河凡六十五里又東南入無極縣界在縣西北二十里此卽木刀溝之故道也明萬歷中知縣趙璿嘗濬之因名趙澤河

本朝順治中知縣林華琬重濬又名林河今俗訛爲木道溝下流已涇餘水與沙河通考林河別自新樂入非木道溝又名林河也又舊真定府志訛爲牧道溝在藁城縣志云西北七十里四時不涸隄陷甚佳今藁城之流已涸與志言異矣 又案舊志

滋河源出山西靈邱縣東南流逕靈壽縣北五十里至行唐縣西南二十七里張茂村伏流不見至

府東北三十里南孟社復出

此三句與明統志方輿紀要正定府志同

又東南逕藁城縣北三十里又東入無極縣環縣西南東三面而東入深澤縣界明統志又謂南流至河間入淀府志又謂從正定縣治南北旋繞饒陽至河間入淀皆與今水道不同方輿紀要則謂從藁城縣北無極縣南又東北入祁州深澤縣界

合於唐河卽安州易水之上源也考今滋河合唐河在祁州三岔口與紀要又異當是河日徙而北也又今水經叙唐滋沙三水合流之處與今小異蓋水道有變遷也其謂唐河滋河皆在祁州入沙河是以沙河爲之主也水經有滹水篇而派滋二水無專文則當以唐河爲主而滋沙入之爲是又明統志云滋河源自安州聚九河之水至雄縣爲瓦濟河至保定縣爲滋河入直沽考滋河發源甚

遠安得謂源自安州直沽在今天津府北唐滋沙
至西淀與北九河南六河俱會入於東淀而下至
直沽入海亦不應舍淀而言沽也又陸隴其請祁
州志云按唐縣志唐河卽滏水又案曲陽新樂行
唐志滋河卽慈河沙河卽派河卽恒河也滏水自
唐縣定州而至祁恒水自阜平曲陽新樂行唐而
至祁滋水自靈壽行唐真定藁城無極深澤而至
祁蓋滏水滋水皆與恒合禹貢恒衛旣從衛水在

今甚微而恒水獨盛蔡註言恒水東入滹又引晁氏云今之恒水至真定府行唐縣東流入於滋水非古逕矣豈未知滋與滹下流固合耶 又案地理志云恒水出常山郡卽上曲陽縣恒山北自谷言北岳者尋以大茂水當之不亦過乎據此文以今水源考之恒水出恒山北谷卽在直隸曲陽縣境派水出山西繁峙迥然二水至恒水入滋之說惟見蔡氏禹貢註引晁以道之言原文流入於滋

下尚有南流入於衛水句隴其落去考衛水卽漳
河也自古皆言恒入滏滋入滹沱而晁氏獨言恒
入滋滋入漳恐不足據又今恒水至唐縣大洋社
入唐河正與古合不知宋時何以入滋至滋水在
宋原未嘗與滏合晁氏又安得預知之又隋圖經
大茂山恒山之異名也恒山與大茂山固無別而
大茂水之稱亦不見他書未知何據

附載

石臼河

資治通鑑漢紀章帝建初三年初顯宗之世治渚
沱石臼河從都慮至羊場倉欲會通漕太原太子

賢註石臼河在今定州唐縣東北

謹案此非今之唐縣也通典石

臼河在定州唐昌縣唐昌漢苦陘縣續漢書郡國志常山南行唐有不日谷南行唐即今行唐縣唐昌今無極縣也胡三省通鑑註以爲此漕自太白渠入綿蔓水自綿蔓水轉入汾水以達羊場倉觀史文並水經汾水篇渚沱石臼連貫則二河逼近可知不當遠在唐縣也此河此谷今皆不可考矣

又據寰宇記則是卽木刀溝也姑闕之以俟參考

白陘谷水

太平寰宇記資河從鎮州九門縣東北界來流入無極界東南入滹沱河兩岸高阜無隄說文云牛

飲山白陘谷注之

〔譚案〕前漢志作白陘爲滋河之源今本說文作陘其說則同據

寰宇記所引則白陘谷另爲注資河之水漢志非也且與今本不同而水道亦與今大異是不獨今水非古水之迹今書亦非盡古書矣闕疑可也

泝水

太平寰宇記泚水在贊皇縣西南四十五里韓信
斬陳餘處行唐縣出大厯三年於此置泚州以界
內泚水爲名

謹案或以此水亦入滋者今無考

雲沼滋泊

謹案寰宇記陞邑縣下云雲沼滋泊皆邑之滄澤
民有蒲魚之利焉或亦以爲滋水所瀦者今無考
長鳴溝一名五渠水

長安客話霸城南沙河與唐河合流處俗呼飛魚

口即魚津窪也

詳前河

一名五渠水

名勝志瓦河

與城南之沙唐二河會即五渠水也俗謂之長鳴

溝

龍泉在新樂縣東南木刀溝北帝寺前

宋家莊溝在深澤縣東北宋家莊流入於祁州境長

五里

官道溝在深澤縣東關外自東關入安平縣境長二

十里

後附文淵志

滋河卷一

四

故道

正定縣故道入滹沱故瀆也今堙

漢書地理志滋水東至新市入滹沱 太平寰宇

記正定縣滋水去縣三十里水經注云滋水又東

至新市縣入滹沱河

無極縣故道變入滹沱故瀆也今堙

太平寰宇記資河從鎮州九門縣東北流入無極

界南滹沱河

謹案寰宇記安平縣下云滋河今名礪石河西自
定州義豐縣界流入滹沱河在縣南二十三里考
元和志作派河非滋河已見沙河卷又流入字斷滹沱
河另爲一條寰宇記並爲一條非是

饒陽縣故道在饒陽縣北二十里卽河間府獻縣古

唐河上源也俗謂之古滋河

詳見唐河故道

謹案饒陽縣志滋河一在縣南十里卽前志所謂
黃河故道舊志黃河故道在縣南八里今絕流其

故道闊十里兩岸俱有古隄又謂黃河不入縣境
蓋亦滹沱徙流之故瀆也不知此黃河乃宋時北
流決入者非河之正流也詳見衛河卷古黃河

隄防

靈壽縣隄在縣西北二十五里慈峪村北長五里高五丈寬一丈以障滋河南溢建置無考

無極縣隄在縣治南五里夾滋河兩岸訖於縣東入

深澤縣境之賈村長三十里

方輿紀要無極縣舊有滋河隄今廢

深澤縣堤起縣西隄北村與無極東漢村接界至縣北段家莊止與祁州崔辛村接界夾河南岸長六十六里乾隆四年動帑重修

行唐縣埝起縣西南三十里之邢家莊東入正定縣境之西官村長一千一百二十丈以障河不得北溢祁州南埝上接深澤縣段家莊下至安平縣北郭村止長二十五里頂寬八九尺底寬二丈餘高五六尺秦隄在博野縣西南之隄圈村爲滋河南岸相傳爲秦時築

趙公閘在新樂縣境木刀溝上廣濟橋東一里明萬厯中知縣趙璿濬木刀溝成趙澤河復建是閘以時

蓄洩

正定縣土埝起縣治北西宿村至縣東北小白家莊
爲滋河北岸長三千九百九十八丈嘉慶五年修
新樂縣隄起縣治南西岳村至縣西趙門村長一千
七百六十九丈嘉慶五年七年修

橋渡

永濟橋在深澤縣西趙八莊石築跨滋河上

定州志永濟橋明萬厯九年敬侍夫人郝氏奏建

明通政叅議杜其驕永濟橋記畧深澤縣西八里許爲趙八莊村橫橋距堤資河伏秋水發橋不能支敬侍夫人郝生長是村枌榆在念以事聞兩宮各捐供奉金皇后妃潞王諸公主下暨宮眷等衆暨司禮監太監等官罔不輸助奏委近侍三公

臣往董其役始於萬歷九年二月越七月竣橋長
二十一丈闊一丈九尺高一丈八尺有奇甃以巨
石固以鐵錠堅緻牢實視舊百倍

普濟橋在深澤縣西北石橋村北去永濟橋五里石
橋久毀以木爲之跨滋河上長十四丈寬一丈四尺
高一丈八尺

廣濟橋在深澤縣西北留屯北去普濟橋三里架木
跨滋河上長十七丈寬一丈八尺高一丈七尺

伍仁橋在祁州南伍仁村石築跨滋河長十八丈寬一丈三尺高二丈一尺明萬厯三十七年重修

廣濟橋在新樂縣南馬頭舖石築跨木道溝長五丈寬一丈七尺高一丈三尺明宏治中建

浴河橋在新樂縣西南七里石築跨浴河上

長林橋在新樂縣西南二十里石築跨林河上

昇平橋在無極縣東門外石築跨城濠

謹案二橋皆張家莊溝所

會也

二

祠廟

水神祠在新樂縣西南東陽村木乃溝